

皇明續紀三朝法傳全錄

皇明續紀三朝法傳錄卷之六

聖湖 高汝栻 輯

國家事全賴老成碩士主持其間若執事濫附二焉得以中寢者誰之力也

壬寅萬曆三十年二月、皇太子婚、冊妃郭氏。○增選東宮講讀官。○雲南稅監楊榮肆虐激變、滇人不勝憤、火厰房、殺榮撫、案以聞。上怒、持其章不下。大學士沈鯉揭言、定亂宜速。久且生變。又具列榮罪狀。上爲震威、得無株及。○真人張國祥以國慶請給三代誥、命中官傳上語、欲予之。禮部執以爲非、体事竟寢。○禮部尚書馮琦請回中使、亟罷礦稅疏、畧謂西北之水、天設此

神皇朝就
歷四出所
在生心不
致有斯水
揚竿之重
皆由祖
宗德澤宏
深聖主顯
明仁厚耳

險以限華夷。東南之河天委此利。以轉糧餉。而徐淮之
下流。寒裳可涉。運艘不前。洮河之上源。又告枯竭。不過
三尺。謂秦監梁永作惡已極。致此咎徵。要之河自關天
下。不獨秦分也。間者滇以張安民故。火厥房矣。粵以李
鳳釀禍。欲剗刃其腹矣。陝以委官迫死縣令。民洶洶不
安矣。兩淮以激變地方。打搶官舍錢糧矣。遼左以余東
肅故。碎屍抄家矣。土崩瓦解。在在見告。試觀此等民情。
亂在旦夕。皇上寧獨無動心乎。不報。○倉場侍郎謝
杰言。漕河告涸。糧運萬分難至。所有調停之法。莫如存
舊糧于倉。暫放兩月折色。蓋銀係輕齎。可不時而來也。

臨德二倉所積宜先解之京師以安人心俟河道一通
卽以南漕照數補足庶使米價不涌又無損于日後也
下部議覆

天地陰陽之氣無不與政通山川草木之能各以其類應江海爲百谷王人主之象也水善升降以潤萬物德澤之象也王者之國必依山川夏將亡伊洛竭商之季而河絕周室既卑三川乃涸皆國都也晉永嘉初河洛江漢皆可涉危乎殆哉周澤不浹水土無所濟國家空弱民間膏血枯竭災異變見川原壅塞蓋難以類言也

孟夏朔享大廟日有食之禮部疏奏案禮諸侯旅見天子入門不終禮者四日食其一也當祭而日食牲未殺則廢宜以朔日專赦日翌日享大廟○西夷來貢以玉

市人不得直長跽泣道傍當事聞上命承運庫與其直而去○上偶違和詔所司召輔臣一貫入論以輔佐東宮爲好皇帝有事還諫正併及時政所急如罷稅礦起廢等事翌日上安諸事廼寢時都察院溫純與吏部尚書李戴謀卽日奉行仍頒示天下刑部尚書蕭大亨謂釋繫須再請次日上意變天下惜之○河南道御史劉九經以日食陳言語倣大學沈一貫不報

九經素人執政不能無少望而嫌孽者遂謂都察院溫純與閣臣沈鍊及家宰李戴或同鄉或同譜夙相厚善而禮部右侍郎郭正威又爲密友其于二三輔臣不無左右袒形迹愈顯不可復合矣

榆林卒變詔案治首亂如法巡撫張士佩乞休亦罷榆

林鎮城迤北積沙與城平。下令餘卒除之。總兵某與士佩有宿憾。號其衆曰。食不宿飽。除沙奈何。邊沙其可盡乎。卒乃甲而譙士佩。開門諭之曰。吾令若除邊沙。防寇蹂躪汝耳。誰敢爲此語。以熒惑衆心者。衆旋定。言者以激變歸士佩。士佩上疏謝過求罷。詔按治首事者。士佩亦卒于官。○稅監梁永遣人至鎮。堅幟開樵。總督李汶擒而詰之。隨遁去。永又請鎮守。請理鹽法。請開馬市。汶一一論奏。永爲氣奪。○稅璫魯保請以應天馬場變價。守臣力距之。廼止。時大風拔富家樹成穴。璫誣以盜礦。諸奸磨牙操椎斧者無數。將遍及近地。諸山府尹徐申

朝鮮倭播
三大征皆
得已之矣
而卒至于
不可已此
誰為爲之
故曰安能
以終禍哉
吏吏者下
可不慎也

皇明世宗憲皇帝三朝卷六
力白富家寬而盛言帝京王氣不可鑿犯者無救璫不能奪

閏二月漕運總督李三才疏言 皇上御極之初國有餘粟民有餘食自火酋內誣悖拜外叛而費用侈矣朝鮮貢獻之邑也無端驅衽席之赤子勤瘁海之外夷勞師百萬費財六百萬其于中國毫有裨益哉楊應龍三殺其妻夷狄之性中國不之治也無端而繩之以法議勦議撫又撫又勦朝改夕更啓其狡焉之志至于不得不治勞師百萬費財六百萬何哉天不厭禍黃河又決一徙千里治之而不必復故也加河恐不足恃漕運可

憂治之而不復故也。百萬之費。數百萬之夫。將焉用之。今太倉無一年之儲。九邊有終歲之餓。所以救災拯溺。出于水火。試一思之。無聊之民。尚可當此殫稅乎。用人之日。尚可棄此忠貞乎。嗇在一念。而利在天下。屈在一時。而伸在萬世。此救時之策。尚得其半者也。

三月吏科給事曹于汴劾奏尚書邢玠。經畧播州。苟且卒事。以致禍結兵連。戕民耗國。經畧朝鮮。掩敗支吾。旣稱倭將義弘斬級矣。倭將正成生擒矣。義弘正成尚在。無恙。復以書來申明和約。則當時死于兵燹于西市者。何人也。此古今未有之欺。幕士金相嘆其以無辜講和。

之矣。誘之爲俘，驅之就死，不勝感憤。削髮辭去，不大愧玠哉。姑息優容，四千打點之說，又見兵科之疏，是益之愆也。雲南巡撫陳用賓，陷死猛廷瑞，已犯殺降之戒。冤死李先著，更博士類之悲。冒功陞爵，世襲錦衣，括猛氏歷世之積，飽夷賂吏，昧之厚土儀之貨，敢于褻君。塞功之敘，滔及瑞稅，小人之惡，甘心笑罵，俱係吃緊之官，豈容匪類之廁。二條俱出本朝紀要○存問大學士王錫爵、錫爵上疏謝恩。○湖廣進鮮粗惡，詔奪布政使程正誼官。鮮之進也，始于成化七年鎮守內使初止二千五百斤，十七年以後增至三萬斤，用缸十二隻，皆布政司獻進。弘治

二年四月始命內臣造辦如七年數船止十二隻至是則屬之有司而數之增加不必言矣正誼與陳增相左增宛其黨譖潤其間故有是奪耳

高汝斌曰嘗聞劉御史九經巡城禁鬻蝦蟹蟹之類一日御膳中有蟹馬上問劉御史禁此何處得來侍者以郊外對上曰今後勿復進頃犯御史禁也可見聖明一示一奪皆政體所關豈以嗜味為喜怒也羣小之為害良甚可畏

癸卯萬曆三十一年正月嘗熟縣生員試於郡以小忿辱其知府某事聞禮部請勒停一縣諸生不得試使相詬侮庶有懲艾倡亂者以三尺從事報可○遣給事中夏子陽行人崔德敕封琉球

王寅當請封於朝。時主領封之說不從。至是始遣出使琉球。至丙午年方歸。

河決運道阻。以李化龍爲工部侍郎總督河道。奏言決河驟挽非易。河之害一。而治河之害十。請開泇河。歷陳利害。無以吝嗇失事機。無以節省貽實害。計費三十萬。上報可不半年。泇河通。增水。駟行李無留滯。設關啓閉。以時。漕艘與官民舡魚兵分行。黃工亦成。

泇河者在滕嶧之間。受沂水。下流南通淮。海舒應營壘韓莊中作而能。劉興星在事欲成之。會卒未果。化龍至是議開。竟成功云。

二月卜酋封事成。先是虜王近塞下。初騎出沒獨石。新平間。諸宿將集麾下。兵待虜。總督宣大馬鳴鑾盡罷去。

之曰奈何未見敵而先自疲也第修明法令宜朝廷
威信虜卒不敢動亡何虜王死其孫小酋應嗣封虜法
凡嗣封者必先與虜婦婚而酋婦有孫素囊欲擅市賞
利每教酋婦以年老爲辭往復久之終不決或欲置婚
事勿問且予封鳴鑾曰不然王印酋婦握之不婚而封
彼必不予印印在彼而封在此是二王也小酋王而市
賞當盡歸之酋婦必不甘若歸之酋婦則利在素囊小
酋必爭是封事成而虜孽起未見其能輯諸部也夫馭
夷之道彼求我則重我求彼則輕爲貪一時速封之名
而不恤其後非忠于謀國者所敢出也後小酋竟與酋

婦婚諸酋具狀以請封事遂成○兵部武選司郎中沈朝煥奏錦衣世襲官冗濫宜加簡汰以省祿費

董其目曰祖宗有親盡之祿宗祿有遞減之例而武功爵非血戰者世襲不變金吾華貴有日增無日減豈利世磨鈍之權亦傷時害民之蠹也

五月楚王華奎與宗人華越等相揭時奎襲爵已三十年而越等二十九人使儀賓袁渙奏楚王非真恭王子楚王亦劾宗人併辨其事蓋華越之疏至也首輔沈一貫語通政使沈于木無爲通及楚王劾宗人疏至一貫問計于禮部掌部事侍郎郭正域正域以宗人疏未上當行楚撫臣勘及華越來云匿疏狀通政取其疏易日

正域此論

程正其如

四明之偏

徇何也

亂世系罪
當何坐

犯衆怒矣

月以聞事下部禮科張問達請下兩奏于武昌詢問而
禮部復以行勘請一貫曰親王不當勘但當體訪郭曰
某與楚王同城一有偏徇禍且不測不勘則楚王迹不
能明各宗人罪不定王疏勘各宗疏不勘何以服人且
王奏華越殺孩婢迫死王氏歐傷胡氏棄毀黃僉事呈
辭情易見事非難竟華越奏王非恭王子亂皇家世系
神人共憤罪伯十倍于華越但二十餘年迄今始發而
又發于女子骨肉之間王論華越一人而二十九人同
攻王果有真見出真情否王假則華越當別論王真則
華越罪不啻如王奏請下楚撫按勘正域武昌人右楚

宗人而輔臣沈鯉又右正域戶部尚書趙世卿倉場尚書謝杰獨謂王非假楚王不能無懼迺持百金賄正域許以萬金相謝正域欲執其人以金首念事在楚設有反覆得以藉口第爲書覆云云自有公論有國法非可私也宗人亦疑正域左袒王相與約曰俟渠歸鄉人持一炬焚其廬石碎其顙耳已見正域疏始豁然○楚勘疏與王辨疏至上以其有異同令九卿科道詳議禮部上其事科臣姚文蔚奏劾禮部侍郎郭正域故王護衛中人去其籍王嘗笞其父正域又奪王地以此謀害王正域疏辨改籍奪地事皆誣并劾首輔沈一貫通政

沈子木御史康丕揚且檢楚王往來壽帖進呈以妻某証楚王之誣。上曰楚王真假之事何復于二十余年後始發覺至以其妻見証豈可憑信于是以王爲真而正域乞休去。

高汝斌曰予嘗讀總督薛三才疏而重有感于楚事也其時三才爲湖廣左布政嘗語巡按潘之祥書謂楚王與王秀才而貌酷似後祥發其言三才曰不但曾與祥言之亦曾語撫按二臣併有詢及楚事者亦不諱也謂楚王假者通國皆有是言蓋從王氏抱養者也故才始終不敢謂楚王爲真且曰當時撫臣趙可懷按臣應朝卿會疏請遣法臣覆勸下九卿科道會議何嘗便謂楚王爲真哉中旨一出遂難反汗矣及楚獄既上衆議盈庭以溫都御史之方執且不能于衆申其從輕從重之說才亦安能必行其說于撫按而使停刑上請也噫斯言也雖謂楚宗之實錄可也

神祖于先
帝所以嚴
父子骨肉
之際仁無
兼於慈孝
之極本焉
可以置家
即當年母
愛子抱外
雖有城社
難草之奸
卒不以長
共祖訓立
長之序則
愈足以見
神廟之明
聖先帝之

六月有投匿名妖書于各署語涉東宮東廠奏聞上覽
書怒甚閣部諸臣咸具疏待罪上立限廠衛五城捕
獲傳諭內閣曰朕自承繼祖宗垂統每思太子乃國根
本朕心慈愛教訓皇太子聰明孝友純篤其諸皇子俱
好學親賢時率謁見聖母喜悅倍常且朕心忻慰可
謂國家具慶矣近見皇太子成婚已近二年未見子嗣
心切念慮已面諭慎擇淑媛內卽以廣後出螽斯又時
逢陽長適遇聖母萬壽節朕心歡悅正欲特諭卿等
條具祈天永命保國安民事宜詳擇施行共圖化理不
意東廠訪獲奸書一本具奏事件朕一見怒恨何嘗有

上意念已着密訪真實奏來重處究治今日覽文書見
有齊等所奏及印刻奸書相同何乃駕捏虛言無形生
影淆亂廷闈宮禁離間父子兄弟親情誣陷大小臣工
坐以褻天覆地之罪而首領卿等一網打盡忠良使朕
孤立干上首謀叵測朕心愈加忿懣必有主使之人同
謀黨類卿等可傳示便着廠衛城捕緝事衙門嚴行訪
拏在外卽行撫按等官緝拏俱要真實具奏務使必獲
以絕禍源以昭天理國法卿等爲朕股肱義同休戚豈
宜辭遜墮中奸計驚危社稷卿等卽出贊理以分朕憂
以絕奸心特諭卿等知之

時兵馬等官已住條城者人人驚恐兵部遵旨定立賞格奏請上以罪當大逆不道宜照軍典事例命與實授指揮命事賞銀五十兩其餘以次遞敘

錦永衛都督王之楨奏言奸書之作由本衛僉書周嘉慶旂衛崔得緝有兵馬劉文藻緝有吳縣沈令譽下詔獄命官會同巡城審實具奏

令譽璧人也上命該衛並遣兵馬同審兵馬突出所殺吏部主事王士騏荐于玉立書於令譽家該衛以聞上命削士騏籍

是時玉石不分惟意之所欲生耳幸有一能脫此無辜

迨湖廣罷官吳化至文華門外下化於理并勒禮部侍郎郭正域在藉聽勘時一貫方以楚事恨正域疑妖書屬正域爲之刑科給事錢夢皋直指正域所爲且及輔

臣沈鯉御史康丕揚佐之波及正域同年胡化巡捕提督陳世忠又緝獲正域書辦毛尚文在逃家人何重郭慶發卒圍正域舟復捕其乳媪龔氏陳氏面審供詞不一再下法司究問○楚宗人蘊珍等殺湖廣巡撫趙可懷楚事既寢楚王遣人奏謝因遺書幣謝諸貴人楚宗知之率衆邀諸途周應治鄞人也恐事露率驍騎盡縛之械繫于獄明日可懷出視事三司使者環列宗人羣而訐于趙可懷可懷譙責之時可懷起至溜下欲訊審稍俯躬珍等遂以手械急擊其首因仆立殺之餘宗盡起徧擊諸司皆踰牆走周應治亦被傷諸宗既殺可懷

乃揚言曰。是我家吏殺之何害。上怒。賜帛止矣。因呼其黨入楚府。欲殺王。有備。迴免。于是騰寫榜文曰。假王盜國。汙我廟堂。而貪官受賄。以假作真。復將予等非刑。拷掠歷數。可懷之罪。謂其黨助親王云。○上命司禮監太監田義戒諭。皇太子宫中內外局與執事人等。近日偶有奸書流言。關係國本。朕知此書必奸臣欺陷忠良。假借宮闈。爲此妖妄。絕無一毫影响之事。恐皇太子過爲疑懼。朕已有諭旨了。爾等宜以理開導。使安心進修。以保齊體。以進睿德。故諭時方嚴捕妖人。上復召皇太子大聲諭曰。哥兒汝莫恐。不干汝事。汝但去讀書。

寫字晏些開門早些開門。仍是司禮監太監田義傳諭
內閣。我今日親朝。聖母回宮就宜。皇太子在啓祥
宮。賜皇太子慰言。及戒諭皇太子云。我的慈愛教訓天
性之心。你自知道。你是純誠孝友好善的。我平日盡知。
近有惡逆捏造奸書。離間我父子兄弟。天性親親動搖。
天下已有嚴旨緝拏。以正國法。我思念你必有驚懼動
心。我着閣臣擬寫慰旨。安慰教訓你。又有戒諭內外執
事等旨意。今日宜你來而賜與你。我還有許多言語。因
此忿怒動火。難以盡言。我親筆寫的面諭一本。賜你細
加看誦。則知我之心也。到官安心調養。用心毋聽小人

引誘傳時。淚下。皇太子亦含淚。叩頭請去。送至殿簷。隨
賜膳品四盒。手盒四副。酒四瓶。傳與先生知道。○吏部
尚書李戴乞休回籍。妖書之事。以動搖國本爲言。執政
請于上。務窮所由來。有大索長安中。遍及海內。敢匿者
族。發覺者封萬戶侯。人情惴惴。且暮不自保。王之積嫁
禍于鉅衣周嘉慶。戴與嘉慶姻親。憾之者不能無疑。因
十二疏請告方允。

戴服除。改工部尚書。家宰缺。吏部推可任者七人。戴
名居後。獨被薦用。在事六年。兩計內外吏秩滿。加大
于太保。皇太后召見。部方面官
存問。嚴給與肆。片給庫米云。

推南京通政使楊時喬爲吏部左侍郎。喬至卽署堂印。

吏白請印移選司。印行諸牒時。喬不可。吏曰。無他。選事煩取便宜耳。喬曰。若爾。置一選司足矣。安用過公爲語。塞而止。○都察院御史溫純上書。誦言郭正域。沈鯉。無辜受害時。正域以楚藩事忤執政。已出都矣。而附和者遂謂沈鯉。匿郭爲密謀。邏卒日夜環鯉第。偵伺之。縉紳皆引避。不敢及鯉之門。○以梁應龍巡撫湖廣。

甲辰萬曆三十二年正月。湖廣巡按御史吳楷奏言。楚宗蘊鈐等。殺死巡撫趙可懷。劫掠倡亂等事。奉旨許盡法擒拏。及通行各各省直。協勦。楷連疏。皆描寫諸宗反狀。是時楷出巡荊州。止據道路流傳之語。以聞。故部議

紛紛召四方之兵，楷亦先檄洞庭、澧陽、三江之兵入防會城，以待諸宗之變。而左布政薛三才慮多兵激變，不許一兵入城。第以兵舡次于三十里之外。後楷入城，紛紛兵甲亦隨之入。蓋疑諸宗有甘心焉者，而以兵自衛。且欲自審其疏中前語，然諸宗固安然不動也。○泃河功成，加李化龍少保、廕一子。錦衣衛指揮僉事既而復敘播功，進柱國。少師徵入爲兵部尚書，協理戎政。○加郭子章都御史，劉繼等各陞賞有差。

二月會試以東閣大學士、禮部尚書朱賡、掌翰林院禮部侍郎唐文獻充主試官，取楊守勤等三百人。○三司

司會言於京畿道共審毛尚文沈令譽周嘉慶家屬同
長班張仕忠等而內監高淮復奏有揚于世一起蓋于
世亦嘉謨之親東廠最後又獲咬生光一起斯時御史
康丕傷給事錢彥皋等皆欲坐侍郎郭正域而御史牛
應元等指天爲誓禮部侍郎李廷機及趙世卿告輔臣
朱賡既得生光可以具獄矣賡因勸一貫如廷機言事
得稍解

三月廷試賜進士楊守勤孫承宗吳宗達等及第出身
有差○巡撫湖廣御史梁應龍奏言盡獲蘊鈐之黨分別
五等罪狀以聞擬蘊鈐等處斬華雋等勒令自盡英謨

等俱發高墙禁錮。蘊鋤等間宅禁住。蘊鑒等革爵革祿。有差會勘時。左布政使薛三才與撫按二臣力辨。諸宗不反。梁雲龍忿然作色曰。世有不反。而敢公然殺一巡撫大臣者乎。獄詞既上。溫純亦言。諸宗今日之罪。其最重在毆死重臣。一語遂執以斷。斯獄衆議帖然。○朝議以楚宗既平。欲告廟宣捷。大學士沈鯉力言于首輔沆。一貫曰。曾子有言。如得其情。則哀矜而弗喜。此猶爲凡民言耳。今宗室駢首就戮。二祖在天之靈。得毋淒然而奈何。張之無已。則下禮曹議。覆其罪。而以文武有勞者。行所司獎勵。則体面不失。而人心服矣。人咸以爲允。○

定讞生光捏造妖書寘之極刑生光搜有刊刻詩板衆
官第據詩板與之反覆面折且稱彼從始至終不妄板
一人亦見公道又曰汝實招後饒汝兄弟妻妾子女如
何徒受苦楚生光大哭曰誰做事叫我替死日後此書
必有發閣日子那時却不笑我枉死厥衛見情詞參差
益不伏是役也會問不下十次厥推之衛衛推之厥厥
衛又推法司諸臣多避忌人人自危卽會審已定猶莫
敢先出畫題而御史沈裕援筆先畫然後次第畫焉獄
廵定嘉慶正感乃得無事○協理戎政尚書李化龍上
疏整理經營十二事畧曰京軍之可虞者其身貧苦而

不知有生人之樂。其心離散。而不知急君之誼。凡人必結其心。乃可以得其力。必同其休。迺可共其戚。今之整營務者。其要領亦惟曰。去其疾苦。蠲其靡濫。使京軍。石之糧。盡得及于身。而潤于其家。夫然後約結可申。而軍容可習也。夫營軍有十二苦。十一濫。十九宜。十二苦。去則軍士傷心。之怒。蠲十一濫。清則軍士剝膚之災。免減十九宜。行則軍士元氣已復。而神氣漸振。不報。兵部侍郎許孚遠卒。贈南京工部尚書。

孚遠。德清人。以銓郎。出爲建昌守。江陵惡其講學也。屢驅屢起。蔡自石。謂其一傳由世。胡莊獻因其由南。編北。入見。贊。布。一。其。手。猶。甚。于。茲。再。見。撫。闔。講。明。理。學。詞。旨。淹。洽。感。被。人。心。風。教。大。行。

禮部侍郎李廷機疏請禁儀司之弊時宗藩請封其費不貲天潢之胄等于無告故疏及之○兩廣總督極言中官採珠之害初粵中香山澳九夷貿易番舶所艤漸乃築城聚室儼然立一番主交構中官流毒一方云○四川巡按李時華奏勘界事難結局初播州之役安疆臣不惟假道又且助兵戰甚有功將士分功蔽之僅以虛銜酬賞竟負約其靖邊等地疆臣于楊酋存日撫臣必欲反之于酋亡之後遂怏怏不服○大學士沈鯉予告回籍鯉念時事艱難天聽未盡回不積誠無以報主乃列謹天戒恤民窮等十事書之于牌每入閣則率兩

房官拜禱。願天啓聖聰。或諛鯉爲詛呪。上大怒。立命
中貴取觀之。曰。此非詛呪語也。讒者曰。其詛呪但不出
聲耳。上默然不應。妖書之事。因嘉慶與鯉有連。危甚。
賴天子聖明。素知其心得無恙。出都日。猶有讒其衣
紅袍。馳騎閱邊者。賴大璫矩爲解。迺已。○客星變。上
釋詔獄等官何棟如。華鈺等二十四名爲民回籍。
十月。福建巡按方元彥奏。奸商挾夷肆劫。初紅夷之入
閩。不過一船。貪漢財物爲奸。商所誘而來。久之欺給盡
沒其貲。夷爲具告。守土大吏不辨休咎之言。惟憑通事
顛倒。以致夷人忿而稱亂。自後時時見告。不可復止。

兵卒生至
邊漢大都
如此

高汝棧曰予閱金史頗有一事相類時有銀珠哥大王者留守燕臺有奸民負僧金不肯償僧誦言欲申訴通者大恐相率賂通事通事得其厚賄欣然許諾僧既陳牒跪聽命通事替易他紙譯言曰久旱不雨僧欲焚身動天以禱百姓銀珠笑即書牒尾稱寒瘡者再庭下已有牽牒而驅之者僧莫測所以扣之則曰塞瘡者好也狀行矣須臾出地則遁者已積薪擁僧于上四面舉火竟焚死

瓊州生黎以香易土牛巡兵奪其牛黎憤殺數人去叅將其倖功聞于兵備道姚善率衆掩之大敗督府遣師援之又大敗後調數萬人擊之黎走入深險莫可奈何得老弱首數顆報捷

十一月御史楊廷筠奏水西疆界不定時播賞已行播事未決撫臣督臣各持意見朝廷無灼然之主張故疏

及之。

董其昌曰。漢黠有言。事人相攻。故其俗不足以煩天子之使。此識國体者也。國家兵力虛耗。征播亦十之三。控制之法。寧畧無詳。如養廉然。不至于害人而止。則善矣。

乙巳萬曆三十三年。考察京官。時主察當屬楊時喬。而一貫怒其嚴。請以兵部尚書蕭大享主筆疏上。一上以時喬廉直。竟屬之。與都御史溫純力持公道。執政使人語喬曰。此番計事。凡舊嫌夙怨。當一切破除。又曰。各屬賢不肖。一聽其長。以受成于明主。不得有所侵奪。喬嘆曰。此挾天子以令諸侯耳。及疏上。久持不下。請罷不許。降給事中錢夢皋於外。既察處。投之黜籍。中旨留之。

楚宗事起夢皋左袒執政衆論甚喧吏部出之于外以
四明庇得留用于是郎中劉元珍御史朱吾弼主事龐
時雍後先論一貫權奸誤國有旨元珍等俱謫外

龐時雍曰國家之有黜陟聽之冢宰亦以凡在大議
大阿之列者皆得以考功從事夢皋以妖言誣大臣
黜之外而留考察復留則凡獵名與席者皆可營脫
也豈所以警官邪維國紀軌軌事之大者哉夫朝論斥
一小臣醜顏就列誹張爲幻膽勢益殖使怒者髮指
笑者齒冷此者士大夫負意氣標門戶勢成朋黨有
識共憂然破朋黨必大臣捐成心而用舍實大竊竊
一貫既以身爲明的復又成心未化至于高宗反謀
無迹凡以單詞轉易重文橫入折律二端凌深不平
台臣以爭楚事謫既爲王叢怨科臣以攻台臣幸言
路解體何利而爲此耶

都察院左都御史溫純予告回籍○以江西新城知縣

高江爲直隸東光縣教諭。湖口太監李道騫暴其爪牙虎而冠。大肆威福。江與揖抗禮。議稅。江曰：「新濱江瘠壤。商賈不集。何稅之有？」道索庫金。江曰：「新無積儲。浚民膏以爲中。貴人歡令實不能。」道大怒。慢罵去。復檄新城包稅。江一切拒之。新民某所居山不數畝。下爲廬以居。上葬其親。道欲鑿之。江再爲牘白上官。爭之力。道黨王金吾復至。新求賂。語侵江。江不堪。忿扣簪纓起曰：「鼠輩豈以吾重去官耶？」吾歸矣。遂上牒乞歸。御史史弼欽其廉。明慈愛。再三懇留。江堅執不得已。以改教題請去之日。民攀援羅拜。且有下淚者。後補東光教諭。署吳橋縣事。

編審徭役親爲勾校大服民心大瑞盧受延之賞雪體
寒令吏索衣未至出貂裘衣以衣至解還之瑞曰裘值
百金而少之耶江莞而笑曰子思不受狐白裘于子方
吾貧不若子思君裘不啻子方故不受耳瑞任從傍強
衣之江拂袖而起其介直大都如此江仁和人萬曆乙
酉南榜之魁○命曹時聘爲工部侍郎總督河道溯河
之功前河臣李化龍已有成畫次第程督運舟可以無
阻惟大挑黃河塞蘓莊決口而後可故時聘上疏曰河
性湍悍未有久而不決決而不塞者顧其所經行之道
南有陵北有運稍有侵軼便逢其害治之之術雖多然

其大要必出于南北適中之路。自蘓莊決而河遂北注。沈豐沛。沼單魚。要南陽。蕩金濟。其勢之大可憂者三。而而機之不可失者二。今宜導河自朱旺口。以達小浮橋。合于彭城之故道。度用金錢可八十萬緡。疏三上。乃下部議。後報可。而經費匱。彼此爭執。興役之人。仰給于縣官者。至二十餘萬人。無所得精。鎡稱寸量。唇舌爲疲。脾獲鹿人。

八月禮部侍郎馮琦奏言。自礦使出。而天下苦。更甚于兵稅使出。而百姓之苦。更甚于礦。奉差諸使。各圖其私。跟隨徒役。動以千百。皇上欲通商。而彼專欲困商。

說使
之悲
曲
盡無遺

皇上欲愛民而彼欲害民皇上戒以勿信撥置而撥置
愈多皇上責以不許騷擾而騷擾愈甚皇上之心但
欲裕國不欲病民羣小之心必自瘖民方能肥已蓋近
日有神奸二種其一專務窺探上意自有成奏假武升
以上之其一專務剝害小民盡有成謀假中官之手以
行之運謀如鬼賊取財盡錙銖遠近同嗟貧富交病貧
者家無宿儲止憑營運但奪其數錢之利已扼其一日
之喉至于富民加彼傾害誣以漏報國稅誣以盜買礦
砂誣以興販私鹽誣以偷藏禁木粧成局面聲勢赫然
及其得財寂然無事利歸羣小怨歸朝廷假令民間不

窮而怨民力猶堪不怨而窮民心猶同今以刺骨之窮抱傷之怨一呼易動一動難安若一處小民倡亂各處小民應之于何取兵于何取飽乎。

疏奏雖留中而罷礦之止實由此疏為馬一言之重重于九鼎其此之謂耶。

詔罷採礦以稅務歸有司

礦稅雖罷而諸閹肆橫如故且推升行取業奉成命而考選故久不行臺諫員缺直指罷遣或滿不得代或虛無人而候選諸臣勞瘁尤其外則藩臬郡守不得補除有司歷俸最久不得轉遷諸臣言之如以水投石也奈國事何

十一月十四日皇元孫生是為熹宗皇帝上喜得

孫諭禮部尊皇太子生母恭妃王氏為皇貴妃○命

皇太子正宮封妃，餘皆才人，俱照皇明典禮一書所載。內閣揭稱閣部無此書，當令搜覽。上各欽降一部爲定式。○聖母壽屆六袞，適會皇孫誕生，尊上徽號曰慈聖宣文明肅貞壽端獻恭僖皇太后，詔告天下，覃恩中外。○議徙寬奠新疆居民六萬餘口入田地，棄新疆爲甌脫。時奴酋勢甚張，浙逼寬奠，李成梁再出鎮，乃有此議。已而奴速二酋先後請金綰卽于愛陽、清河諸沿邊田土灘派給賞，總鎮蹇達巡撫趙楫布政中鴻及總兵李成梁等以招回華人敘功，并賜奴兒哈赤賞。○泰州天鳴累日，聲如怒濤。○鎮江華山忽裂，下視昏黑，又鎮

江以至宜興一帶天鳴如秦州。○南京教塲夜隕星或墜地化爲灰或自空中分作三塊墜地有聲尋覓無迹。丙午萬曆三十四年福建稅監高宋激變閩中民大開惡撫袁一驥輯定之宋肆虐于民一驥時爲左轄已力扼而制之比開府又盡捕其爪牙置之法會粵璫灰上使宋兼筦粵稅宋故垂涎粵旣被命則造樓船餘艘治戎器招集亡命徵集百貨將闢出與諸喪市而躬自往粵閩人麋集其門索市直不予民大開宋所殺傷百十人射火箭焚民居無筭閩大擾又率其黨介而馳關入中丞陳所請救爲辭一驥叱曰爾虐吾民何救爲時

登衙初散。一驥方坐銓閣。治文書旁無待者。宋挽之出。至通衢。則介士畢集。將殺宋。一驥目止之。後觀察兵道聞變。冒白刀馳至。以大義責宋。宋得歸署。而民心少輯。定○遼東巡撫李植。屢疏乞歸。留中不報。植撫治衝邊。素敢任事。緣虜騎突入。與按臣王業弘相持。氣激而爭。爭久。而各標一隊部院議速更業。弘之差以查勘。付之後。暫解植之任。以效用俟其異日。疏經兩月。終未批發。云○督理礦稅太監張忠。叅夏縣知縣韓薰。才力不及。經擬量調閒僻事。下部撫按職在察吏者也。採道府之公評訪里巷之輿論。某也賢。某也不。其才地不相宜者。

據實上陳，猶下吏部題覆而後處之。今中使而可以參人，則朝廷設撫按何爲哉？此舉實出部民。李成業膚受之愬，卽忠疏云：李成業毫無過犯，因巡按訪察而抵解刑繫者，蓋其本情也。其意可知矣。後部覆竟以韓惠應調與否聽撫按查實具奏云。○大學士沈一貫揭帖爲行取原係舊章，守候再經新歲，懇乞速賜考選，以光聖德。上以諸臣要譽沽名，紛紛瀆擾煩激，是以延遲荅之，併命查候補起復的，分別奏用。

國家設南北科臣五十七人，十三道南北百四十人。今在北者或一人，而三差在南者或一人，而署尤某患病不得請差，滿不得代，侍班借及于中翰監禮取盈於幕僚，况行取已奉徵書，離任而集闕下，既不

得卽列臺省之班。又不得遽改曹郎之秩。今日在內
之侍從如此。其價乏在外之守候。如彼其艱難。此祖
宗以來所
未有也。

兵部尚書李化龍上防邊任將十六事不報。○上命
欽取南京戶科錢糧供御署部事吏部侍郎葉向高疏
奏。自萬曆二十年以前。庫中存貯尚二百一十餘萬。其
後日侵月割。耗費殆盡。今總計每歲出數可四十餘萬。
入數只二十萬。遠不相當。今見在庫銀未及二十萬。尚
不足半年支給。若欽取之錢糧。繼此不已。則戶部之帑
立空。而枵腹之變可立待矣。况所取之物。名爲供御。而
實則羣小營謀。視爲奇貨。射影鑿空。巧立名色。一聞詔

下蟻聚蠅趨奸商之冒濫。吏書之橫索。匠役之虛糜。百孔千瘡。展轉奸利。一金之直。動費十金。十金之直。動費百金。比入御府。亦徒委之泥沙。俟其朽爛而已。朝廷被其虛名。羣小享其實利。當事者。苦無米之炊。旁伺者。幸不耕之獲。似此奸弊。陛下不得而知之也。乞額外欽取。盡行停罷。卽歲供物件。悉心節省。不報。○兵科給事宋一韓。叅總兵李成梁。巡撫趙楫。棄地陷虜。事下部。奴酋強勒清河。沿邊參直。復入貢。車價諸狂悖。邊吏倉猝請兵設防。故兵科有是叅。

九月。稅監高家私以紅毛夷入市。貢閩南路。屬有紅毛

夷人不知其何種。駕巨艦如山。至近島求市。且請金錢數十萬上供。而厚爲稅。璫壽。璫大喜。私許其市。叅將施德政聞之。謂此市開。是延寇也。力言于御史。御史奏之。謂若許其入貢。禍閫將無已時。一上可其奏。璫大恨德政。會德政召入禁旅。武語璫。是其橐中多珍異。肱其篋可富也。且可釋憾。璫然之。遣人禦之途。發篋。廩金數兩而已。復藉以還之。而傳聞者。遂謂德政爲璫所撓云。○山西稅務奉御孫朝奏叅巡撫魏允貞。倡阻抗命。煨燼求植。撓尅貪濫。下部院叅看。允貞稟性太剛。任事太執。孤立獨行。多仇少與。孫朝叅疏中。至欲食其肉。而寢處

其皮在。聖上之前。尚且如此。詈罵其平日。以盛氣加撫臣可知。始相疑。繼相爭。撫臣既參內臣。內臣亦參撫臣。雖下部院參看。明知內臣之非。然畏以蜚語相加。但有和解而已。

十月日本源家康代平秀吉爲王奉朝鮮書。并尋盟。盡誅行長等。移秀吉子秀賴于大阪。并縛送據王京時。發掘朝鮮先王丘墓。賊僧松雲來探。以家康云。壬辰在關東。不預其事。關東卒無一人渡海。而朝鮮還人報倭諸島。築城對島。以主和事。獨蠲役倭言和事不成。則下十六州。盡往朝鮮。王以聞。上諭加意偵防。而對馬島私

丁有持身
法加意
民用嚴恕
各得其件

款不絕。○應天府等生員，辱南京祠察司主事葛寅亮，遂投劾歸。南祠部所領近畿諸利，有賜田者，稽藉藉在，則問租。租在則問數，清查勾剔，與所在有司往復甚苦。既有緒，與補墜廢，約束僧寮，秩然可觀。而時諸生噴其盡翻所爲，因辱之。寅亮遂投牒歸。

十一月長至日，南都百官當詣孝陵上香。兵部報有賊萬人，殺諸司官，據城僭號，閉九門者三日。會操口次日，擒劉天敘等四十九人。時天敘妄言法術，而豐城侯李某告之，內外守備張大其事。然皆戶流下賤，萊傭，踏麵人也。兵部尚書孫鑛欲以捕反爲功，擬磔七人，餘皆

全活無辜
者多矣

皇明法傳錄

卷六

皇帝

斬而操江都御史下賓署大理。統詢其詞。妄言者坐磔一人。斬一人。餘充戍。無辜追捕者悉得活。

焦竑曰。天攸鳳陽人。與其黨三人。擡一小佛像。歷各鄉村募緣者也。自言有法術。能畫地地陷。指天天開。且知人之生事。有納錢者。來生為顯官。一婦人哭于陌上。呼而視曰。來生當為后妃。遂携與同去。行淫如是而已。南京衛軍士某頗黠。欲誘而取之。陽禮為師。請試其術。不可。固請。則曰。宜齋戒擇日。方可。如是數四。逼之愈甚。計窮。謬言南中有奇變。天地昏黑者四十九日。此際大亂。宜各躲避。何暇試法。蓋借此將乘間逸去也。軍得其情。即告之。操江。操江報之兵部耳。

十二月。兵科呂邦耀奏。土司安彊臣惡形漸露。初。郭子章藉彊臣之力。故楊應龍授首。而事平之後。欲寬假以存信。時論頗以為非。

朱國楨曰安強臣奉朝命惟謹蜀撫喬璧星欲取安氏爲功坐以侵占掃地之罪嘉功者遂以受賄棄地劾前院王象乾而去

戶部員外龐時雍疏叅大學士沈一貫十大欺罔十大誤國上怒降而調之于外先是劉元珍朱吾弼叅論一貫事關遠密有無真僞皆不可知而一貫辨疏左支右吾欲飾辨以謝人言且卸已過以歸皇上是以時

雍叅之○降禮部主事鄭振先四川永寧宣撫衛經歷先是振先疏論輔臣沈一貫朱賡李廷機爲過去見在未來三身布置接受其他無不從風而靡或鄉曲暱厚或賄賂相結或出于其門官于其里密受衣鉢顯露封

章甚且比之爲李林甫盧杞秦檜云于是大學士沈一
貫沈鯉致仕同藉振先亦京察去官

丁未萬曆三十五年吏部奏言方面缺官太多吏治廢
弛已極天下兩司共缺七十餘員郡守共缺二十三員
加以遷轉而尚未到任者奉差而未還任者則見在任
事之官與缺官未任正相半懇乞速賜點用以修實政
上是之○吏部催請考選諸臣點用台省疏留中既而
下考選堪任部屬官等共十六員

往歲行取一年一次茲則獨遲往歲考選科道官或
百餘員或七八十員茲則獨少計各官行取到京已
二年半丁憂去者三人終養去者一人病去者又五
六人起授科道未奉點用惟旋部屬者得旨一時中

外款
傳局

二月會試以掌詹事府禮部侍郎楊道賓協理詹事府
禮部侍郎黃汝良充主試官取施鳳來等三百人○大
學士朱賡請益置閣臣上特召起原任大學士王錫
爵欽點禮部尚書于慎行吏部侍郎李廷機南京吏部
侍郎葉向高入閣辦事先是廷推閣臣七人以慎行爲
首而未及錫爵至是特諭內閣云朕思舊輔王錫爵輔
贊多年忠誠正直國家多事之際可以共濟時艱欲召
來同卿等夾輔協恭辦事吏部承旨加少保建極殿大
學士遣官敦趨入閣○上一日檢發舊疏點用撫臣者

三司道者五通國歡忻仰誦 聖明圖治任人之美○

晉府奉國中尉新猷計奏汾陽知府崔士榮以無辜繫

新猷以越訴首煥統命行該撫按從公查勘然奏雖新

猷之名而猷實臥病數月方起聞知此事力辨不知何

人匿姓詐稱猷名預乞案候移文撫案體勘具奏云○

廣東巡按御史顧龍楨與左布政王泮議事不合投杯

相擊事聞命行撫按從公嚴勘勘到之日從重議處

高汝栻曰甚矣休統之紊台綱之壞也方遂以知府抗御史矣張邦政以知府抗都御史矣彼猶禮節間耳至泮則觸之使怒挑之始爭爭而至毀冠裂裳攘臂相加為羣僚觀笑則其侮凌夷極矣次日王泮陽為後文求歸而以其事具疏馳奏及龍楨疏至而後勘然龍楨交濟之氣甚厲而奏辭之詞反平泮呈請

之文甚恭。而許奏之說靡辨。一則遇在舉動。一則遇在心術。後勘明各回籍閑住。

三月廷試。賜進士黃士俊、施鳳來、張瑞圖等。及第出身有差。○吏部尚書李戴卒。贈少保。謚

戴。河南延津

人。軀幹宏碩。腹如瓠。而善容。無貴倨態。時言者醜詆。遂郎以嘗之上。詰責甚厲。戴不爲動。第引咎自責。卽得全。他部中有相閱詆之者。謂用劉蕡之爲中書舍人。有私

戴疏。請廷臣覆試。果才子也。其敦厚持大體類如此。

神廟自海豐以來。冢宰數不稱旨。不能安其位。而戴滿六年。內外大計。人無間言。六卿中不多得也。癸卯。以妖書事歸。越五年而卒。

原任大學士王錫爵聞命。特召具疏謝恩。懇辭不赴。

上復遣官敦趨○下工科都給事王德完于鎮撫司德完所疏之事言涉中官上曰官闈嚴密且中官侍朕起居親藥餌有何疾貳德完輒敢狂肆逞臆妄言是非必有主使之人下鎮撫司訊究後部聞疏救得削籍回去○降吏部司官王永光一級其餘罰俸半年以陞何喬遠還中止也二人原係欽降官員一以直陳時事而降一以本衙門不列銜署而降未嘗有不許朦朧推陞字面吏部尚書認罪乞宥姑留降級骨事○于慎行以太子少保禮部尚書入東閣隨卒贈太保謚文定是時慎行風疾陡發微有所苦既就道趨起不欲行以禁向

高相促勉抵京。陛見之辰，怯寒拜起紆緩，司儀者欲無糾。慎行不可，仍自具疏請罪。溫有慰答，令入閣視事。遂臥病數日卒。

高汝拭，日慎行東阿人。嘉平赴鹿鳴，深沈勁挺，不爲時畦。大爲正人所倚信。方江陵之世，士夫附麗，稱功頌德者，千人而九。當其奔情，行以日講草疏欲純爲桂林所止。江陵知而怪之，遂乞病歸。及改言者振暴其罪，上震怒，命刑部侍郎丘樞同內璫往籍其家。行獨移書于丘，引大體調護營救。極其切至，天下稱其仁盡義至焉。

吏什姚士慎言外治之弊，皆因撫按不以察吏爲務。

閏六月，京都大雨如注，晝夜不息。京邸高殿之地，水深二三尺，各衙門皆成巨浸。平陸成江，內外城垣傾塌二

百餘丈。甚至大內紫金城亦塌壞四十餘丈。會通運河盡衝決。皇木漂流殆盡。損糧船二十三隻。米若干。死運軍若干。雨霽三月。正陽宣武二門外。猶然波濤洶湧。輿馬不得前。城堙不可涉。詔發銀十萬兩。付五城御史酌量濟救。仍照甲寅例。發太倉米二十萬石。平糶以濟飢民。○大學士朱賡疏奏礦稅之擾。章疏留中。卽閣揭不荅片語。一槩停閣。其末云。時時戶外羅無對証之冤家。日日堦前列不欠錢之債主。又曰。兒童走卒無非怨詛。臣之言流離瑣尾。無非感悟。臣之狀按劔相視。諄語蕭蕭。輔相之地。眞苦海矣。山西巡按御史趙文炳題已。

故右布政使麻溶清苦異常乞加贈京銜旌表上命
贈太僕寺卿

溶別歷中外久著風猷以攬轡之標著懸魚之節通
仕二十年行李僅以二楨紙贖書充公費可謂廉吏
福建督稅內監高家荐福建布政陳性學堪陞福建巡
撫事下部

高汝杖曰巡撫係朝廷重臣廷推數人以待皇上
點即一二大臣不得獨薦雖衆人共荐亦不執定何
人今廷推二次舉用五人高家亦不候皇上裁擇
指定性學一人應爲巡撫見大不敬也此端一開異
日地方官必有假交結以求陞荐者守使必有借舉
荐以市恩私者進退大權爲貂璫所操可不爲凜凜
恥防

十二月順天巡撫劉四科奏言擦推子隔在本臺根抵

起霹靂雷火一塊進十八號臺擊碎旗杆一根擊死本
臺百總湯明之子又提小孩子一名在臺外放下未死
戊申萬曆三十六年正月南京科道內外守備大小九
卿應天巡撫各揭帖地方淫雨連綿江湖泛漲自留京
以至蘓松常鎮諸郡皆被霖沒週迴千餘里茫然巨浸
二麥垂成而顆粒不登秧苗將種而寸土難藝圩岸無
不衝決廬舍無不傾頽暴骨漂屍淒涼滿目棄妻失子
號哭震天甚至舊都宮闕監局向在高燥之地者今皆
蕩爲水鄉街衢市肆盡成長河舟航偏于陸地魚鱉遊
人家蓋二百年來未有之災也○詔留稅銀五萬兩

二十萬
賑濟可見
聖主心存
濟世以取
之民者還
以予之民
也豈設盈
慶而積而
不散者哉

賑○濟○蘓○松○常○鎮○四○府○又○發○鹽○課○儀○真○稅○銀○共○十○五○萬○兩○
賑○濟○浙○江○杭○嘉○湖○三○府○禮○部○侍○郎○楊○道○賓○上○修○省○五○
事○一○曰○葆○夜○氣○二○曰○勤○召○對○三○曰○下○章○奏○四○曰○慎○內○批○
五○曰○去○形○迹○時○中○外○封○事○多○留○中○間○有○一○二○從○中○出○者○
人○頗○以○為○疑○故○疏○及○之○道○賓○為○祭○酒○時○表○進○三○國○志○五○
代○史○多○所○規○諷○人○傳○而○誦○之○然○疏○入○不○報○福○州○軍○蘓○
九○郎○妻○鄧○氏○一○產○兩○男○兩○女○

二○月○南○京○工○科○給○事○中○金○士○衡○疏○糾○李○廷○機○之○執○勘○總○
兵○李○成○梁○巡○撫○趙○楫○敗○壞○邊○事○諸○狀○留○中○不○報○禮○部○
尚○書○馮○琦○疏○奏○去○歲○楚○民○洶○洶○皇○上○一○易○中○使○全○楚○

帖然無他。今天下最爲民害者。遼東之高淮。淮上之陳增。廣東之李鳳。陝西之梁永。雲南之楊榮。五監惡不減。陳奉乞照陳奉例。將五人撤回其原管事務。歸併就近內臣管理。不報。○上命九年考滿行人陳治。則爲給事中。黃吉士爲御史。行取諸臣到京。三年羈旅已久。吏部陳請四十餘疏。不報。一日忽傳新命。滿廷無不懽呼。三月戶科都給事李應萊題趙壽祖先被論劾回籍聽勘。投書乞憐。鄙卑無耻。尚書蕭大亨奉旨革去官銜。以敘功而復歷考滿。不當前後通理。部郎馬大儒串通情弊。上命革壽祖籍閑住。准大亨復銜通理。大儒照舊

供職而嘉應榮舉發私書着與記錄○命順天府通州
于漕縣永樂店創造景命殿成勅中官護守

永樂店聖母誕育之地茲舉也慈聖出帑金不煩將
作右爲佛寺左爲漢壽亭侯樊懿宏壯足以昭地靈
章濟發亦一奇觀也

四月左都御史溫純卒贈少保謚

純以諫垣開府浙中歷御史大夫在南北四典內外
大計以御史劉九經與四明不合遂成水火乙巳
內計純黜錢夢皋等數人中
旨特留用純遂致仕至是卒

江西巡按史弼奏參大學士李廷機在部不奉朝命遣
使通夷上怒黜之

高汝斌曰廷機在部時因建首被獨日甚故遣序班
李維葵以書諭之謂虜止于勒索可以口舌折也第
是月去專奏三月未下新皇布

其夫在。不奉朝命。耳其心原爲國爲民。初無他意。說者藉藉謂奴酋之作逆。李書實招之。凡有仲淹元昊之謫。此甚過當。世言其偏狹。則然。至于謂變機謀。拖人落木。此則斷乎在所不爲。葉向高與顧天煥書曰。不佞可以一子三孫明其不然。噫。斯實錄矣。

五月大學士朱賡卒。贈太子太保謚文懿。

賡山陰人。其遺疏請補閣臣。忠悃可掬。

海西建州二酋入貢。奴酋混入猛酋領賞。禮部案驗得實。時奴酋已二年失貢矣。職方主事葉世英言。奴酋強梁日熾。鎮江寬奠之間。逼近虜巢。必先壯其聲勢。乃能伐其狡謀。戎政尚書李化龍亦言。遼左危在旦夕。皆因高淮擾民。激變以爲奴酋之資。吏部侍郎楊時喬力言。

建酋叵測。遼左重困。有旨撤高淮還京。

大學士葉向高疏奏。今日九卿大僚。缺乏已極。每衙門不過一人。而又或以真病。或以被言。皆杜門求去。其見在供職者。惟戎政尚書李化龍。禮部侍郎楊道賓。工部侍郎劉元霖三人。而道賓又欲給假。化龍又偶感寒疾。尚未出戶。長安道上。遂幾無九卿之迹。又曰。戶部尚書趙世卿。以邊餉匱乏。無可設處。困苦悲號。幾無生趣。工部又以賞夷無厝。兵部光祿寺。又以供應難支。求借戶工二部。彼此束手。相恐相尤。又曰。京民困苦。商累破產。傾生逃亡。流竄每聞號訴。盡爲酸心。叩其受害之故。半

爲鋪墊。半爲奸胥。于國家曾無分毫之利。而徒竭民脂膏。填此豁墊。其亦倒置之甚也。倘有風塵之警。及于國門。九列無官。倉庫無錢。京師無民。卽有民亦不肯爲我用。臣不知何所恃也。不報。○太子太保、兵部尚書、蹇達卒。達爲人碩大魁岸。美鬚髯。聲如洪鍾。策事百不失一。其督薊遼也。高淮張甚。叅劾不下二十餘疏。如水投石。因乞骸歸。三日而殂。發于背。猶草疏傳檄如故。爲書與長安縉紳曰。民力中乾。虜情外狡。兵餉久乏。稅使日橫。封疆之臣。計無復之。有死而已。後上卒采其言。撤淮歸。人謂其功萬千誅虜焉。廷推大司寇。大司空皆不報。

傳以爲淮實百計阻撓之達四川重慶衛人○撤回梁
永回京永在陝西橫甚怒縣令滿朝薦之相抗諸之上
上爲迨治之舉朝論救不聽至是中旨撤回○禮科
邵庶奏言旌卹濫請成風乞嚴禁之

按高皇帝首諭表揚節孝本以敦實幽隱風勵耆民
高閨吳山所云衣冠之家禮義自出何待表揚近來
請乞多歸縉紳而閭里寒微遺漏者多矣

御史金明時言東南無食無漕錢糧止有此數兵馬登
待擅添邊腹撫臣宜以節省之數上戶兵二部以爲優
少○戶部尚書趙世濟言用人各有職掌無所不統而
推擇司官反倚耳目推各部殊非六卿率屬之意

董其昌曰李德裕有言宰相非吾人當丞廢罷王天下之政不可不察歸中書省世卿此言爲家宰亦當如是矣